

Eskualde eta kantonamendu bozak
Ipar Euskal Herrian

Miarritze Mendebaldean RPR eta UDFren arteko lehia nagusituko da


Armand Saury ez denez berriz aurkeztuko, eskuindarren arteko ika-mika piztu da

Miarritze Mendebaldeko kantonamenduan egon da hautagai gehien mar txoaren 15 eta 22ko hauteskundeetan: zortzi orotara. Armand Saury RPRko kontseilari ohiak adinagatik berriz ez aurkeztea erabaki duenez, lekua betetzeko ika-mikak sortu dira RPR eta UDFren artean, baita UDFren baitan ere.

Hur Gorostiaga / Miarritze

ANGELU eta Baionako kantonamenduetan gertatzen den bezala, Miarritze Mendebaldean ere kantonamendua auzoen arabera zatitzen da, guztiz artifizialki. Miarritze Mendebaldeak itsas bazterreko iparreko eremuak eta hiri erdialdeko gunea hartzen ditu. Baserrialdeko kantonamenduen kontrara, hiri bakarrekotik aferak dira kantonamendua ukitzen dutenak eta ondorioz udal hauteskundeetan kutsu bat har dakiokela halako bozaldia. Hala ere, Kontseilu Nagusiko kontseilari pisutsuenak izanik, Kontseilu Nagusiaren politika orokorraren arduraz izan ohi dute kostaldeko kontseilari nagusiek.

Armand Saury 1979tik zen RPRko kontseilari nagusi, eta orain bere ardura uztea deliberatu du, adina tarteko. Lekukoa, Max Brisson Ipar Euskal Herriko RPRko buru, Miarritzeko oposizio zinegotzi eta eskualdeko kontseilariari eman dio. Horretarako, bertze zazpi lehiakide izanzen ditu parean, horietatik lau eskuindarrak, bi UDFko zentrista, FNkoa eta MPFko eskuindar petoak. Miarritzarren %35 baino gehiago 65 urtez goitikoak direla errateak beharbada esplikatu hori. Fronte Nazionalak egindako duen marka ere hurbiletik segitzeko izan da, %12tik gora aise jo baitezake.



Sauryk utzitako hutsuneak sekulako ika-mikak piztu ditu eskuindarren artean, hain zuzen ere. UDFko korrante den Force Democrateko ordezkariak, Patrick Destizonek, karrera politikoa egiteko aukera paregabea ikusirik, militante gehienak alde zituela erran eta hautagaitza aurkeztu du. Baina Borotra UDFko Miarritzeko auzapezak bertze ideia bat zuen, baita UDFko nagusi eta Force Democrateko lehendakari François Bayrouk ere. Hauek, Michel Veunac Miarritzeko UDFko zinegotziari adierazi diote sustengua, bertzeari bazter dadin galdeginez. Gisa horretan, alderdiko gatazkek Veunac eta Destizonen arteko gatazka piztu dute, eta Herriko Etxeko aurkaketa UDF eta RPRren artekoa.

Bigarren itzulian izanzen dela gauza segurra da. Brissonnek jaso beharko luke boz gehien, baina bigarren itzulian UDFko nork segituko duen aitzina dago ikusteko. Labeguerie sozialistak emaitza ona eginez gero, eskuinari arriskua sor diezaiokela zatitua joateak.

Sozialistek hautagai komunistak sustengatuko dituzte bi kantonamendutan

Alderdi sozialistak Hazparne eta Atharratzeko kantonamenduetan hautagai sozialistatik atzeman ez duenez, alderdi komunistak aurkeztu dituenak sustengatuko ditu: Hazparnen Jean Jacques Vergez, eta Atharratzen Jean Claude Sagardoiburu, zeina Berdeek ere sustengatzen baitute. Arrazoiak eskuinari bidea ixtea izan da, eskualde hauteskundeetan eta kantonamenduetan akordio oro ukatu baitu alderdi sozialistak Piriñio Atlantikoetan.

500 sinadura AB zerrendaren alde

JAKES Abeberrik zuzendutako zerrendak, Abertzaleen Batasunak, 500 sustengu sinadura jaso ditu jadanik. «Iparraldeko bertsolariek, idazleek, kultur gizon-emakumeek, akademikoek, hautetsiek, irakasleek, ikasleek, langileek... hots, Ipar Euskal Herriko euskal mugimendua osatzen dutenak sustengatzen gaituzte», adierazi du Abeberrik.

Muga pasatzen den bakoitzean «orgasmoa»

Esaldia Jean Jacques Lasserre UDF-RPRko eskualde hauteskundeetarako zerrendaburuarena izan zen, kanpainaren aurkezpen prentsaurrekoan esana. Mugaz gaineko harremanez ari zela, «mugaz bestalde zango bat ezartzen dugun bakoitzean badiudi orgasmo bat eduki behar dugula», adierazi zuen. Nonbait, Hegoaldeko bi gobernuak Akitaniarekin duten ahalmen ezberdintasuna aipatu nahi zuen. Adibidez, EAEko Gobernuak Akitaniako Kontseilu Nagusiak baino 10 aldiz aurrekontu handiagoa du.

Veunac, Borotraren sustenguz

MICHEL Veunac Miarritzeko auzapezordea da, Didier Borotra auzapezenadorearen taldeakide. Destizonekin izandako ika-mikez dena errana dagoela ohartarazi, eta parean aurkeztu den RPRko kideari buruz aritu zaigu, Max Brissoni buruz. Franzian eta Pauko Kontseilu Nagusian bereziki UDF eta RPR elkarrekin ari badira ere, Miarritzeko Udalean UDFk abertzaleekin egindako akordioak gobernatzen du, Max Brisson RPRko zinegotzia oposizioan dela.

«Brissonnek dio Franzia mailan RPR eta UDFren arteko akordioaren arabera, bigarren itzulira bietariko bat helduz gero, boz gutien duenak lehenari utzi beharko liokeela lekua. Baina arazoa da Miarritzen inerezez ari garela, eta Miarritzen UDF eta RPRko familiek ez dugu ikuspegi bera. Ondorioz, RPR-ri lekua uztea arriskutsugarria litzateke, ez baikara segur Miarritzeko Udalean hartuko diren erabakien alde egiten duenik Pauen», dio Veunacek. UDFko zinegotziak

Miarritze Mendebaldeko kantonamenduko ordezkariak udaleko gehiengoaren kolore berekoa izan behar duela uste du, «eraginkortasunaren» izenean. «Didier Borotarako oso-osorik sustengatzen nau, eta Bayrou laguna dudanez, dosierak bideratzeko modurik hobereena litzateke Pauen banengo», adierazi du.

Bigarren itzulian iritsiz gero abertzale bozak eskuratzeko itxaropena ageri du. «Abeberriekin programa batekiko elkarlanean aritugara azken urteotan,

eta erakutsi dugu gure hitza betetzen dugula».

Euskal Departamenduen aferari buruz, ez da argi eta garbi aldeala kontra ageri. «Lurralde Eskemak instituzio baten beharra du aplikatzeko. Ez dakit egitura hori Euskal Departamendua izan den ala ez. Udaberrian Dominique Voynetek egin asmo duen Pays-iburuzko erreformak izan dezake interesik guretako». Azkenik, Hizkuntza Minorizatuaren Eurokarta sinatzearen aldekoa dela adierazi dio EGUNKARIARI. X

EUSKO JAURLARITZA **GOBIERNO VASCO**

LURRALDE ANTOLAMENDU, ETXEBIZITZA ETA INGURUGIRO SAILA

DEPARTAMENTO DE ORDENACION DEL TERRITORIO, VIVIENDA Y MEDIO AMBIENTE

IRAGARKIA

LASARTE-ORIAN (GIPUZKOAKO LURRALDE HISTORIKOA) 60 ETXEBIZITZA SOZIAL ESLEITZEKO ESPEDIENTEARI HASIERA EMATEA

1998ko martxoaren 3ko Euskal Herriko Agintaritzaren Aldizkarian 1998ko urtarilaren 30eko Agindua dator argitaratuta. Lurralde Antolamendu, Etxebizitza eta Ingurugiro sailburuarena, Lasarte-Oria (Gipuzkoa) udalerrian hirurogei (60) etxebizitza sozial eta horiei atxikitako ganbarak esleitzeko espedienteari hasiera emateari buruzkoa, era berean, herri horretako Udaletxeko Iragarkitaulan dago jendearentzako ikusgai. Agindu horretan 60 etxebizitzaren eta horiei atxikitako ganbaren esleipenari buruzko baldintza guztiak datoz erasota eta, bertan adierazten denez, eskabide-oriak aurkezteko epea hile batekoa izango da, aipatutako Agindua Euskal Herriko Agintaritzaren Aldizkarian argitaratzen den bihamunetik kontatzen hasita.

IOSU BEAUMONT
Euskal preso politikoa

TORTURATU ASMO DUTE EKIDIN EZAZU

HERRIALDEKO MANIFESTAZIOA
MARTXOAK 7 - 17:30. GOLEM. IRUÑEA

Isiltasunak babesten ditu